

ISSN 0023-3692

KONTAKTO

AŬTORA EKZEMPLERO

numero 160 (1997:4)

YOMBE - STATUO DE EBONYA AUTORITATILLO: ROBERTO DE J.P. MAU A. JERNANDER - BRUSELO

La riĉa trezoro de afrikaj lingvoj

La "patro" de
Nordameriko:
JOHANO KABOTO

La kazo Titanic:
KIO KUŜAS
EN LA FUNDO?

Hobio, sporto
kaj terapio:
JONGLADO



M. J. KAMALI

facile


Blanka Koko kaj Ruĝa Koko

— Djavad Kamali, Irano

Blanka Koko* kun siaj edzinoj vivis gaje kaj sen-ĝene en komforta kokinejo. Ĉiuj kokinoj, kaj ankaŭ la kokidoj, estimis kaj eĉ adoris* lin kiel reĝon. Blanka Koko sen-rivale* regis super la kokinejo kaj certe prizorgis sian familieron.

De mateno ĝis vespero, nia koko multfoje kokerikis* kaj sin montris. La kokidoj certis, ke Blanka Koko estas la sola en la mondo, ĉar ĝis tiu tempo, ili ne vidis alian kokon. La kompatindaj kokinoj kredis, ke li estas la plej forta koko en la tuta regiono. Plej bongustaj manĝaĵoj apartenis ĉiam nur al Blanka Koko: Li, do, rajtis esti tre fiera* kaj kokeriki multfoje dum tagnokto!

Sed alvenis tago, kiam la mastro de la farmo* aĉetis ruĝan kokon, portis lin al sia hejmo kaj tuj enirigis en la kokinejon. Blanka Koko, vidante lin, subite saltis de timo, ĉar la nova eniranto estis ja pli juna



kaj pli forta ol li. Blanka Koko ekpretiĝis por ĉiel defendi sian regejon, sed Ruĝa Koko tuj atakis kaj post mallonga interbatalo venkis.

Ĉiuj kokinoj kun siaj kokidoj mire ĉeestis tiun sangan batalon. Ruĝa Koko lasis Blankan kaj fiere ekkokerikis laŭte*. La kokidoj ekestimis lian bravecon*; la kokinoj, vidante lian belecon, subvoĉe konfesis inter si, ke li havas pli da meritoj ol la malforta, maljuna kaj malbela Blanka Koko. La kokidoj, kiuj antaŭe timis Blankan, nun ek-mokis lin kaj eĉ sin kuraĝigis por ataki la malfeliĉan Blankan, samkiel Ruĝa Koko faris. La eksedzinoj de Blanka, forlasante lin, ĉirkaŭis Ruĝan Kokon, kiu senĉese kantis.

Oni festis kaj ĝoje dancis meze de la nest*-aro. Ĉiuj elkore gratulis Ruĝan pro la nova regado. Blanka Koko, perdinte siajn posedaĵojn kaj edzinojn, ŝir-kore transdonis sian povon al la Nova Reĝo kaj poste sola ekvivis en malagrabla loko, angule de la kokinejo — sed ne longe.

Tiu ĉi mallonga rakonto memorigas al ni la faman proverbon*, kiu diras: "Ŝipon rompitan ĉiuj ventoj atakas".

PLILONGIGO DE LIMDATO POR LA ENIGMO kongresoj

Elfalis la limdata indiko de la enigmo aperinta en *KONTAKTO* n-ro 159 (1997:3). Kvankam multaj jam sendis sian solvon, ni tamen decidis plilongigi la limdaton ĝis la 30-a de oktobro 1997 por tiuj, kiuj (prave) dubis, ĉu temas pri konkurso.

adori: amegi

braveco: brile sentima antaŭ danĝero

farmo: domo kun kampoj kaj ĉio

necesa por terkulturo

fiera: tro kontenta pri siaj meritoj

kokeriki: koko-krii

koko: birda, natura "vekhoroĝo"

laŭte: forta-sona, aŭdeble de

malproksime

nesto: birdo-ovejo, birdo-hejmo

rivale: streĉiĝe por superi alian

proverbo: popola diro pri iu vivo-vero